



Na osnovu člana 3 a. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo" br. 1/19, 37/20, 38/21 i 35/22) i člana 3. Odluke o obilježavanju "Dječije nedjelje" u Kantonu Sarajevo za 2022. godinu, broj: 13-03/1- 31-34001/22 od 05.09.2022. godine, ministrica za rad, socijalnu politiku, raseljena lica i izbjeglice Kantona Sarajevo, objavljuje

JAVNI POZIV
za obilježavanje "Dječije nedjelje" u Kantonu Sarajevo za 2022. godinu
u periodu od 03. do 09 oktobra 2022.godine

I - PREDMET

"Dječija nedjelja" u Kantonu Sarajevo za 2022. godinu (u daljem tekstu: "Dječija nedjelja") se realizuje u cilju podrške djeci na području Kantona Sarajevo u periodu od 03. do 09. oktobra 2022. godine, bez održavanja javnih manifestacija.

U okviru obilježavanja "Dječije nedjelje", imajući u vidu nepovoljnu epidemiološku situaciju uzrokovanu bolešću SARS-CoV-2, učesnici obilježavanja "Dječije nedjelje" su dužni pridržavati se zdravstveno, epidemioloških preporuka i naredbi nadležnih institucija.

II - PRAVO UČEŠĆA

Na Javni poziv za obilježavanje "Dječije nedjelje" se mogu prijaviti roditelji, staratelji ili usvojitelji djece koja boluju od maligne bolesti sa prebivalištem djeteta na području Kantona Sarajevo.

III – DOKUMENTACIJA KOJA SLUŽNI KAO DOKAZ O ISPUNJAVANJU
USLOVA ZA DODJELU NOVČANE PODRŠKE

Uz Prijavu je potrebno dostaviti slijedeću dokumentaciju (originali ili ovjerene kopije):

- medicinska dokumentacija kojom se dokazuje da dijete boluje od maligne bolesti;
- CIPS-ova prijava prebivališta za dijete;
- Izvod iz matične knjige rođenih djeteta;
- dokaz o starateljstvu ili usvojenju djeteta;
- kopija bankovnog računa roditelja, staratelja ili usvojitelja djeteta.

IV - Javni poziv za obilježavanje "Dječije nedjelje" će se objaviti na web stranici Ministarstva za rad, socijalnu politiku, raseljena lica i izbjeglice Kantona Sarajevo www.mrsri.ks.gov.ba, i u jednim dnevnim novinama koje se distribuiraju na području Bosne i Hercegovine.

V - Prijave za dodjelu sredstava se podnose u zatvorenoj koverti na Protokol Kantona Sarajevo ili poštom na adresu: Ministarstvo za rad, socijalnu politiku, raseljena lica i izbjeglice Kantona Sarajevo, ulica Reisa Džemaludina Čauševića broj 1, Sarajevo, sa naznakom "Prijava na Javni poziv za obilježavanje "Dječije nedjelje" u Kantonu Sarajevo za 2022. godinu - ne otvaraj".

VI - Rok za podnošenje prijava za dodjelu sredstava po Javnom pozivu je 8 (osam) dana od dana posljednje objave.

VII - Za provođenje postupka po Javnom pozivu za obilježavanje "Dječije nedjelje" za 2022. godinu, ministrica rješenjem imenuje komisiju.

VIII - Neblagovremene prijave komisija neće uzeti u razmatranje i vratiti će ih neotvorene uz dopis. Nepotpune i neuredne prijave Komisija će odlukom odbaciti.

IX - Podnosioci prijave imaju pravo prigovora na odluku Komisije o dodjeli sredstava, kao i na odluku Komisije o odbijanju i odbacivanju zahtjeva.

Prigovor se podnosi ministrici za rad, socijalnu politiku, raseljena lica i izbjeglice Kantona Sarajevo u roku od 3 (tri) dana od dana prijema odluke.

Prigovor ne odlaže izvršenje odluke.

X - Rezultati Javnog poziva objavit će se na internet stranici Ministarstva www.mrsri.ks.gov.ba, i putem Registra transfera neprofitnim organizacijama i pojedincima iz Budžeta Kantona Sarajevo.

XI - Roditelj, staratelj ili usvojitelj je dužan da novčanu podršku namjenski utroši za potrebe djece koja boluju od maligne bolesti i imaju prebivalište na području Kantona Sarajevo.

XII - Doznačavanje odobrenih sredstava aplikantima vrši se nakon donošenja odluke u skladu sa operativnim planom i raspoloživim sredstvima u Budžetu Kantona Sarajevo.

Broj: 13-03/1- 31-34001-2/22
Sarajevo, 05. 09. 2022. godine

